

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), člana 32. stav (2) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21 i 18/21), a u skladu sa Programom utroška sredstava planiranih Budžetom Zeničko-dobojskog kantona za 2021. godinu u Ministarstvu za rad, socijalnu politiku i izbjeglice, broj: 02-23-10009/21 od 13.07.2021. godine, broj: 02-11-12801/21 od 23.09.2021. godine i broj: 02-11-16137/21 od 03.12.2021. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 133. sjednici, održanoj dana 09.12.2021. godine, d o n o s i

ODLUKU

o raspodjeli preostalih raspoloživih budžetskih sredstava odabranim udruženjima, vjerskim organizacijama i organizatorima rada javnih kuhinja na drugim nivoima, koji organizuju rad javnih kuhinja i pružaju usluge javne kuhinje za građane na području Zeničko-dobojskog kantona

Član 1.

(Predmet)

Odobravaju se sredstva u iznosu od 84.450,00 KM (slovima: osamdesetčetihiljade četristopedeset konvertibilnih maraka) kao pomoć udruženjima, vjerskim organizacijama i organizatorima rada javnih kuhinja na drugim nivoima, koji organizuju rad javnih kuhinja i pružaju usluge javne kuhinje za građane na području Zeničko-dobojskog kantona (u daljem tekstu: Javne kuhinje), a koje su aplicirale na Javni poziv za raspodjelu preostalih raspoloživih budžetskih sredstava namijenjenih za finansiranje i sufinansiranje rada javnih kuhinja na području Zeničko-dobojskog kantona za 2021. godinu.

Član 2.

(Raspored sredstava)

Sredstva iz člana 1. ove odluke odobravaju se u skladu sa Pravilnikom o ocjeni ispunjenosti uslova i kriterija za odobravanje novčanih sredstava za rad javnih kuhinja na području Zeničko-dobojskog kantona za 2021. godinu, broj: 09-31-13192-2/21 od 13.10.2021. godine, i raspoređuju Javnim kuhinjama, kako slijedi:

r/b	Naziv	Sredstva:
1.	Grad Zenica	50.000,00
2.	Udruženje "Mladi volonteri" Visoko	25.000,00
3.	Udruženje Centar za podršku roma "Romalen" Kakanj	9.450,00
Ukupno:		84.450,00

Član 3.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21 i 18/21) razdjel 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614300, subanalitika KAD 207, naziv pozicije „Ostali socijalni transferi – Javne humanitarne kuhinje“.

Član 4.
(Izvještavanje)

Obavezuju se korisnici sredstava iz člana 2. ove odluke da Ministarstvu za rad, socijalnu politiku i izbjeglice dostave narativni i finansijski izvještaj o namjenskom utrošku sredstava, najkasnije do 15.01.2022. godine.

Član 5.
(Provođenje odluke)

Za realizaciju ove odluke zadužuje se Ministarstvo za rad, socijalnu politiku i izbjeglice i Ministarstvo finansija, svako u okviru svojih nadležnosti.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-16394/21
Datum, 09.12.2021. godine
Zenica

PREMIJER

Mirnes Bašić

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x Javne kuhinje, putem Ministarstva,
1x „Službene novine Zeničko-dobojskog kantona“,
1x a/a.